

# **Молитвы о воинах, на брани сущих, раненых, плененных и без вести пропавших**

На заседании Священного Синода 29 декабря 2022 года (журнал № 131) для домашнего чтения были утверждены тексты следующих молитв:

- ко Пресвятой Богородице о воинах, на поле брани сущих;
- матерем ко Пресвятой Богородице о воине, на поле брани сущем;
- ко Господу нашему Иисусу Христу о воине, на поле брани ураненном;
- матерем ко Пресвятой Богородице о исцелении воина, на поле брани ураненного;
- матерем (сродников) ко Пресвятой Богородице о избавлении воинов (воина), в пленении сущих (сущем);
- ко святым о избавлении воинов, в пленении сущих;
- ко Пресвятой Богородице о воинах, без вести пропавших.

\*\*\*

## **Молитва ко Пресвятой Богородице о воинах, на поле брани сущих**

Пресвятая Богородице, теплая наша Заступнице и Спасение всем, призывающим Тя! Не имамы иных помощи, разве Тебе, Владычице, Ты бо еси едина надежда и упование наше. Не презри слез наших и не отрини усердных молений, но спаси от смерти и от бед сохрани воинов наших [имярек], на поле брани сущих. Укрепи их дух, утверди в заповедех Сына Твоего, умножи в них веру, просвети ум, даждь мужество во бранех, да, непорочно исполнившее ратное служение, целы и невредимы возвратятся в дома своя и прославят пресвятое имя Отца и Сына и Святаго Духа и Твое милостивное заступление. Аминь.

## **Молитва матерем ко Пресвятой Богородице о воине, на поле брани сущем**

К кому возопию, Владычице, кому повем скорбь сердца моего, аще не Тебе, Царице Милосердая? Душа моя смятется и уны дух мой, но скоро услыши молитву мою, веру укрепи, терпением огради и благою надеждою оживи. Пресвятая Богородице, Дево Чистая! Заступи, сохрани, покрый милостию Твою чадо мое, воина [имярек], на поле брани сущаго, утверди его в вере истинней, огради от злобы врагов видимых и невидимых, сохрани его цела и невредима, подаждь силу ратное свое служение, яко крест, безпорочно понести и паки его в дом отчий возврати. Аминь.

## **Молитва ко Господу нашему Иисусу Христу о воине, на поле брани ураненном**

Господи, Иисусе Христе Боже наш, молитвами Всепречистыя Владычицы нашей Богородицы и Приснодевы Марии, силою честного и животворящего Креста, представительством честных небесных Сил бесплотных, святых врачей и целителей: апостола и евангелиста Луки, святых чудотворцев и бесребренников Кира и Иоанна, Космы и Дамиана, святаго великомученика Пантелеимона и учителя его Ермолая, преподобнаго Агапита Печерского, святителя земли Крымского и исповедника Луки, исцели воина Твоего [имярек], на поле брани ранами уязвленного, утеши его надеждою на Тя и верою Православною укрепи. Услыши, Господи Человеколюбче, воздыхания сродник его. Да, восстав от одра болезни, послужит и поработает Тебе до скончания жизни своей и прославит Тя, исцеляющаго и врачующаго вся, со Отцем и Святым Духом. Аминь.

### **Молитва матере ко Пресвятей Богородице о исцелении воина, на поле брани ураненаго**

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой слезный и вздохание мое приимет, аще не Ты, Мати Божия, Заступнице и Прибежище во всех бедах нам грешным? Услыши вопль мой, Всемилосердая Целительнице, яко умножишася скорби сердца моего, и яви милость Свою на одре болезни возвлежащему и раною уязвленному, чаду моему воину [имярек], исцели его тяжкия душевныя и телесныя болезни, и воздвигни от одра немоющи цела и всесовершенна, да воспеваєт Твое теплое заступление. Аминь.

### **Молитва матере (родников) ко Пресвятей Богородице о избавлении воинов, в пленении сущих**

О, Всепетая Богородице, всех скорбящих Радосте и обидимых Заступнице! Услыши молитву мою, прошения моего не отрини и помилуй чадо мое (отца моего, мужа моего), воина [имярек] в пленении сущаго! Сохрани его цела и невредима, огради его от злобы пленивших его и не даждь ему убиену быти от рук их, веру истинную в нем укрепи и скоро тяжкаго пленения избави, да в разуме воспеваєт Тя, Царице Небесная, и Сына Твоего, Господа нашего Иисуса Христа, со Безначальным Его Отцем и Пресвятым и Благим и Животворящим Его Духом во веки веков. Аминь.

### **Молитва ко святым о избавлении воинов [воина], в пленении сущих [сущем]**

Преблаженнии и богоноснii избранницы Христовы: многосветлая звезда, Крестителю и Предтече Спасов Иоанне; святителю предивный и милостивый, великий чудотворче Николае; святый великомучениче и скорый плененных свободителю, Победоносче Георгие; великая в женах Анастасие Узорешительнице и вси святии! Молим вас мы, недостойнии: укрепите воинов [воина] [имярек], в пленении сущих [сущаго], от уз вражиих их [его] избавите, всякаго злого обстояния свободите и на спасения стези направите, да, в дома своя возвратившеся, прославят [дом свой возвратився, прославит] Истиннаго Бога, Отца и Сына и Святаго Духа и ваше милостивое представительство во веки веков. Аминь.

### **Молитва ко Пресвятей Богородице о воинах, без вести пропавших**

О, Всесвятая Владычице Богородице, Взыскание погибших, странных Питательнице и заблуждших Путеводительнице! Воина [имярек], о немже не имамы извещения покрый честным Твоим омофором, сохрани от всех напастей вражиих, избави пленения и лютыя смерти, от отчаяния огради, да с благодарением и любовию воспеваєт Твое теплое заступление. Аминь.